

„Агитатор“ журнализ умшачнрин конференц

Ставропольск балгъсна пионермўдин Герт „Агитатор“ гидж журналин умшачнр конференц цуглрхцав.

Партин Ставрополь балгъсна комитетин сеглăтр ўр Кундере́нко журналин кесн кōдлмшин тускар, ахр обзор кев. Энўнă хōн умшачнр босдж ўг келцхăв. Босдж ўг келсн улс цугъар, эднд цăалгъврин кōдлмш бўрдăлгънднь эн журналин кўргсн ик дōнъгин тускар келцхăв.

Крайин библиотекин умшлгъна залин заведующ, пропагандист ўр Овсянниковский, эн журнал нарт делкăн болн дотр-лундин цуг чинртă тōрмўдин тускар бичнă, агитаторин кōдлмшт кергтă материалмудиг цаглань барлна гидж келв.

Конференцд орлцсн улс цугъар эн журнализ иигдж ўнлцхăв. Энўнлăгъан хамднь, шалгъдж чигн келăд, цааранднь журналин кōдлмшиг улм яс-

рулхин туск селвгăн ѳгцхăв.

Хойрдгч номертă школин директор ўр Сбойчаков, барлгдджах теоретическ материалмудиг кегддж ѳовх кōдлмшлă сăăнăр ирлцўлдж, промышленностин болн селăнă эдл-ахун нўўрлгч улсин дамшлтиг ѳргнăр ўзўлджăхмн гидж заав. Тōмр хаалгъин станцин партийн комитетд бăадг политическ сургъулин кабинетин заведующ ўр Ефремова, журналд тōмр хаалгъин кōлгнă кōдлмшин тускар материал амрсар гархш гидж келв.

ВЛКСМ-н Ставрополь балгъсна комитетин орготделин заведующ ўр Власова, багъчудин коммунистическ сургъмджин туск материалмудикăр барлтха гидж селвг келв.

„Агитатор“ журналин редакцин кōдлăч ўр Афанасьев, конференцд орлцачнрин келсн болн заасн цуг тōрмўдин тускар редколлегд кўргнăв гидж иткўлв.